

BOSNA I HERCEGOVINA
Konkurencijsko vijeće



БОСНА И ХЕРЦЕГОВИНА
Конкуренијски савјет

R J E Š E N J E

po Zahtjevu gospodarskog subjekta „Elektrokontakt SA“ d.o.o. Sarajevo, za pokretanje postupka protiv gospodarskog subjekta JP „Elektroprivreda BiH“ d.d., Sarajevo i gospodarskog subjekta JP „Elektroprivreda BiH“ d.d. Sarajevo Zavisno društvo „Eldis-tehnika“ d.o.o. Sarajevo, zbog zlouporabe vladajućeg položaja

Sarajevo, svibanj, 2014. godine



Broj: 01-03-26-016-44-II/10
Sarajevo, 7.5.2014. godina

Na temelju članka 25. stavak (1) točka e), članka 42. stavak (1) točka c), a u svezi s člankom 10. stavak (2) točka a) i b) Zakona o konkurenciji („Službeni glasnik BiH“, br. 48/05, 76/07 i 80/09), te članka 62. Zakona o upravnim sporovima («Službeni glasnik BiH», br. 29/02, 12/04 i 88/07), u postupku pokrenutom po Zahtjevu za pokretanje postupka gospodarskog subjekta „Elektrokontakt SA“ d.o.o., Paromlinska 68, 71000 Sarajevo, zaprimljenom dana 1.7.2010. godine pod brojem: 01-03-26-016-II/10, protiv gospodarskog subjekta Javno preduzeće „Elektroprivreda BiH“ d.d., Vilsonovo šetalište 15, 71000 Sarajevo, i gospodarskog subjekta Javno preduzeće „Elektroprivreda BiH“ d.d. Sarajevo Zavisno društvo „Eldis-tehnika“ d.o.o. Sarajevo, Blažujski drum bb, Ilidža, 71000 Sarajevo, postupajući po presudi Suda Bosne i Hercegovine broj: S1 3 U 005465 11 od 29.1.2014. godine, Konkurencijsko vijeće Bosne i Hercegovine na 89. (osamdesetdevetoj) sjednici održanoj dana 7.5.2014. godine, donijelo je

R J E Š E N J E

1. Odbija se Zahtjev gospodarskog subjekta „Elektrokontakt SA“ d.o.o., Paromlinska 68, 71000 Sarajevo, protiv gospodarskog subjekta Javno preduzeće „Elektroprivreda BiH“ d.d., Vilsonovo šetalište 15, 71000 Sarajevo i gospodarskog subjekta Javno preduzeće „Elektroprivreda BiH“ d.d. Sarajevo Zavisno društvo „Eldis-tehnika“ d.o.o. Sarajevo, Blažujski drum bb, Ilidža, 71000 Sarajevo, za utvrđivanje zlouporabe vladajućeg položaja, u smislu članka 10. stavak (2) točke a) i b) Zakona o konkurenciji, kao neutemeljen.
2. Ovo Rješenje je konačno i bit će objavljeno u „Službenom glasniku BiH“, službenim glasilima entiteta i Brčko Distrikta Bosne i Hercegovine.

O b r a z l o ž e n j e

Ovim Rješenjem izvršava se Presuda Suda Bosne i Hercegovine, broj: S1 3 U 005465 11 (u daljnjem tekstu: Presuda) od dana 29.1.2014. godine, kojom je Sud Bosne i Hercegovine uvažio Tužbu gospodarskog subjekta „Elektrokontakt SA“ d.o.o., Paromlinska 68, 71000 Sarajevo (daljnje u tekstu: Elektrokontakt) i poništio Rješenje Konkurencijskog vijeća, broj: 01-03-26-016-21-II/10, od dana 25.2.2011. godine (u daljnjem tekstu: poništeno Rješenje), te naložio Konkurencijskom vijeću ponovno rješavanje predmeta u pogledu primjedbi navedenih u Presudi.

Konkurencijsko vijeće je Presudu Suda Bosne i Hercegovine zaprimilo dana 30.1.2014. godine, pod brojem: 01-03-26-016-31-II/10.

Prema članku 62. Zakona o upravnim sporovima («Službeni glasnik BiH», br. 29/02, 12/04 i 88/07), kada sud poništi akt protiv kojega je bio pokrenut upravni spor, predmet se vraća u stanje u kojemu se nalazio prije nego što je poništen akt donesen, te je pri donošenju novog rješenja tijelo vezano pravnim shvatanjima suda i primjedbama suda u svezi s postupkom.

Konkurencijsko vijeće je dana 25.2.2011. godine, donijelo rješenje broj: 01-03-26-016-21-II/10, kojim se odbija Zahtjev za pokretanje postupka gospodarskog subjekta Elektrokontakt, protiv gospodarskog subjekta Javno preduzeće „Elektroprivreda BiH“ d.d., Vilsonovo

šetalište 15, 71000 Sarajevo (daljnje u tekstu: Elektroprivreda BiH) i gospodarskog subjekta Javno preduzeće „Elektroprivreda BiH“ d.d. Sarajevo Zavisno društvo „Eldis-tehnika“ d.o.o. Sarajevo, Blažujski drum bb, Ilidža, 71000 Sarajevo (daljnje u tekstu: Eldis-tehnika), radi utvrđivanja zlouporabe vladajućeg položaja, u smislu članka 10. stavak (2) točke a) i b) Zakona o konkurenciji (daljnje u tekstu: Zakon), kao neutemeljen, nakon čega je gospodarski subjekt „Elektrokontakt“ podnio tužbu Sudu Bosne i Hercegovine, radi poništenja predmetnog Rješenja.

Presudom Suda tužba je uvažena, osporeno Rješenje poništeno i predmet vraćen Konkurencijskom vijeću na ponovno rješavanje iz slijedećih razloga:

- povreda pravila postupka iz članka 149. stavak 3. i članka 200. stavak 2. Zakona o upravnom postupku BiH, u smislu da Konkurencijsko vijeće nije cijnilo dokaz (podnesak od 15.2.2011. godine – analitički prijedlog planiranog materijala od 26.1.2011. godine, izdat kupcu Pajt Rifetu od strane Elektroprivrede BiH) podnesen od strane gospodarskog subjekta Elektrokontakt, dovela je u pitanje pravilnost i potpunost utvrđenog činjeničnog stanja;
- Sud nije mogao ispitati bitnu činjnicu da li je gospodarski subjekt Eldis-tehnika, u momentu zaključenja Ugovora o vođenju poslova, zaključenim s gospodarskim subjektom Elektroprivreda BiH, dana 18.12.2009. godine, bio upisan u sudski registar pod tim imenom, obzirom da u upravni spis dostavljen Sudu nije bio uložen ovaj dokaz, kao ni predmetni ugovor;
- Osporeno rješenje ne sadrži valjane i jasne razloge u pravcu utvrđivanja mjerodavne činjenice da li je gospodarski subjekt Eldis-tehnika proizvođač predmetnih mjernih ormara, te se time ukazuje na povredu odredbi članka 200. stavak 2. Zakona o upravnom postupku BiH.

1. Pokretanje postupka

Konkurencijskom vijeću dana 1.7.2010. godine, pod brojem: 01-03-26-016-II/10, podnesen je Zahtjev za pokretanje postupka (u daljnjem tekstu: Zahtjev) gospodarskog subjekta Elektrokontakt, putem odvjetnika Nakić Alena, Sutjeska 18, 71000 Sarajevo (daljnje u tekstu: Podnositelj zahtjeva), protiv gospodarskog subjekta Elektroprivreda BiH i gospodarskog subjekta Eldis-tehnika, radi utvrđivanja zlouporabe vladajućeg položaja, u smislu članka 10. stavak (2) točke a) i b) Zakona.

Konkurencijsko vijeće je utvrdilo da je isti kompletan i uredan, u smislu članka 28. stavak (1) Zakona, te je na temelju stavka (3) istoga članka Zakona, Podnositelju zahtjeva, izdalo Potvrdu o primitku kompletnog i urednog Zahtjeva, broj: 01-03-26-016-1-II/10 dana 12.10.2010. godine.

2. Stranke u postupku

Stranke u postupku su gospodarski subjekt „Elektrokontakt SA“ d.o.o., Sarajevo, gospodarski subjekti Javno preduzeće „Elektroprivreda BiH“ d.d., Sarajevo i JP „Elektroprivreda BiH“ d.d. Sarajevo Zavisno društvo „Eldis-tehnika“ d.o.o. Sarajevo.

2.1. Gospodarski subjekt Elektrokontakt

Gospodarski subjekt „Elektrokontakt SA“ d.o.o. Paromlinska 68, 71000 Sarajevo, upisan u sudski registar kod Općinskog suda u Sarajevu pod matičnim brojem: 1-17474, registriran je, između ostalog, za proizvodnju i postavljanje opreme za kontrolu i distribuciju električne energije, za trgovinu proizvodima iz okvira registrirane djelatnosti.

2.2. Gospodarski subjekt Elektroprivreda BiH

Gospodarski subjekt Javno preduzeće „Elektroprivreda BiH“ d.d. Sarajevo, Vilsonovo šetalište 15, 71000 Sarajevo, upisan u sudski registar kod Općinskog suda u Sarajevu pod matičnim brojem 1-2758, registriran je, između ostalog, za proizvodnju, distribuciju i prodaju električne energije, postavljenje električnih instalacija i opreme, uvoz i izvoz roba i usluga iz okvira registrirane djelatnosti.

2.3. Gospodarski subjekt Eldis-tehnika

Gospodarski subjekt JP „Elektroprivreda BiH“ d.d. Sarajevo Zavisno društvo „Eldis tehnika“ d.o.o. Sarajevo, Blažujski drum bb, Ilidža, 71000 Sarajevo, upisan u sudski registar kod Županijskog suda u Sarajevu dana 6.7.2002. godine pod matičnim brojem 1-23733, u 100,0% je vlasništvu gospodarskog subjekta JP „Elektroprivreda BiH“ d.d. Sarajevo i registriran je, između ostalog, za proizvodnju opreme za kontrolu distribucije električne energije i ostale opreme, uvoz i izvoz roba i usluga iz okvira registrirane djelatnosti.

3. Pravni okvir predmetnog postupka

Konkurencijsko vijeće u postupku je primjenilo odredbe Zakona, Odluku o utvrđivanju mjerodavnog tržišta („Službeni glasnik BiH”, br. 18/06 i 30/10), Zakon o upravnom postupku, („Službeni glasnik BiH“, br. 29/02, 12/04, 88/07 i 93/09), Zakon o električnoj energiji („Službene novine FBiH”, br. 41/02, 24/05 i 38/05), Opće uvjete za isporuku električne energije Regulatorne komisije za električnu energiju u Federaciji BiH (FERK) („Službene novine FBiH”, br. 35/08, 81/08, 32/10 i 37/10), Pravilnik o mjernom mjestu krajnjeg kupca donesen od gospodarskog subjekta Elektroprivreda BiH broj: NO-18-3640-7/09 od 26.2.2009. godine.

Konkurencijsko vijeće je koristilo, na temelju članka 43. stavak (7) Zakona, sudsku praksu Europskog suda i odluke Europske komisije, uključujući Direktivu 2004/17/EZ Europskog parlamenta i vijeća, presude Europskog suda pravde broj: 15-74 od 1974 godine, i broj: 48/69 ICI protiv Komisije (1972 Ecr 619), broj: T-68/89, broj: T-77/89 i broj: T-78/89 SIV i ostali protiv Komisije (1992) ECR II-1403., broj: T68/89, broj: T77/89 i broj: C-295/05.

4. Analiza zahtjeva za pokretanje postupka

Zahtjev je podnesen sukladno članku 28. Zakona, radi utvrđivanja sprječavanja, ograničavanja ili narušavanja slobodne tržišne konkurencije zlouporabom vladajućeg položaja u smislu članka 10. stavak (2) točke a) i b) Zakona, od strane gospodarskih subjekata Elektroprivreda BiH i Eldis-tehnika.

Podnositelj zahtjeva opisao je činjenično stanje i okolnosti koje su bile razlog za podnošenje Zahtjeva, te je u bitnom naveo slijedeće:

- da je sudjelovao u postupku javne nabave za priključne mjerne ormare, raspisanom od strane gospodarskog subjekta Elektroprivreda BiH (Obavještenje o nabavci - LOT broj 24 - „Službeni glasnik BiH“ broj: 44/09 od dana 8.6.2009. godine), te da je gospodarski subjekt Eldis-tehnika, koji je u to vrijeme djelovao kao neovisan gospodarski subjekt, također sudjelovao u postupku navedene javne nabave;
- da gospodarski subjekt Elektroprivreda BiH nije prihvatio najpovoljniju ponudu Podnositelja zahtjeva i da je donio Odluku o otkazivanju postupka o nabavci;

- da je podnio žalbu, koju uvažava Ured za razmatranje žalbi BiH i predmet vraća gospodarskom subjektu Elektroprivredi BiH na ponovni postupak;
- da je gospodarski subjekt Elektroprivreda BiH u ponovljenom postupku ocjene dostavljenih ponuda donio Odluku o izboru gospodarskog subjekta Eldis-tehnika, kao najpovoljnijeg ponuđača, iako je njegova ponuda bila veća za milijun KM od ponude Podnositelja zahtjeva;
- da je ponovo podnio žalbu Uredu za razmatranje žalbi BiH koju je isti uvažio te je poništeno Obavještenje o javnoj nabavi priključnih mjernih ormara objavljeno od gospodarskog subjekta Elektroprivreda BiH;
- da je gospodarski subjekt Elektroprivreda BiH, i pored odluke Ureda za razmatranje žalbi, obavijestio Podnositelja zahtjeva da je priključne mjerne ormare nabavio od gospodarskog subjekta Eldis-tehnika;
- da je nakon poništenja postupka javne nabave, od Ureda za razmatranje žalbi BiH, gospodarski subjekt Eldis-tehnika promijenio svoj status i da kao povezani subjekt posluje u sastavu gospodarskog subjekta Elektroprivreda BiH;
- da je zaključen Ugovor o vođenju poslova između gospodarskog subjekta Elektroprivreda BiH i gospodarskog subjekta Eldis-tehnika, kojim je između ostalog regulirana i obveza da gospodarski subjekt Eldis-tehnika bude isključivi isporučitelj priključnih mjernih ormara, iako uopće nije proizvođač istih, za razliku od Podnositelja zahtjeva i drugih proizvođača;
- da su potpisivanjem Ugovora o vođenju poslova gospodarski subjekt Elektroprivreda BiH i gospodarski subjekt Eldis-tehnika stvorili i zlouporabili vladajući položaj na tržištu prodaje priključnih mjernih ormara, tako što krajnji potrošači električne energije (koji kupuju električnu energiju od gospodarskog subjekta Elektroprivrede BiH na temelju Općih uvjeta za isporuku električne energije FERK-a i Pravilnika o mjernom mjestu) prinuđeni kupovati priključne ormare od gospodarskog subjekta Elektroprivrede BiH.

Slijedom navedenoga Podnositelj zahtjeva tvrdio je da se radi o zlouporabi vladajućeg položaja na mjerodavnom tržištu prodaje priključnih mjernih ormara, ograničavanjem tržišta i primjenom različitih uvjeta za iste vrste roba, u smislu članka 10. stavak (2) točke a) i b) Zakona.

Konkurencijsko vijeće je analizom dostavljenog Zahtjeva ocijenilo da nije moguće bez provedenog postupka utvrditi postojanje povreda Zakona na koje Podnositelj zahtjeva ukazuje, te je na sjednici održanoj dana 4.11.2010. godine donijelo Zaključak o pokretanju postupka broj: 01-03-26-016-3-II/10, sukladno članku 32. stavak (2) Zakona.

Sukladno članku 33. Zakona, Konkurencijsko vijeće je dostavilo Zaključak o pokretanju postupka i Zahtjev, na odgovor gospodarskom subjektu Elektroprivreda BiH i gospodarskom subjektu Elektrokontakt, dana 5.11.2010. godine pod brojem: 01-03-26-016-8-II/10 i brojem: 01-03-26-016-9-II/10.

Gospodarski subjekat Eldis-tehnika je dostavio, dana 26.11.2010. godine pod brojem: 01-03-26-016-10-II/10, putem odvjetnika Branka Marića, Mehmeda Spahe 26, 71000 Sarajevo, odgovor u kome je u cjelosti osporena utemeljenost Zahtjeva, gdje je naveo:

- da Podnositelj zahtjeva nije definirao mjerodavno tržište, kao preduvjet za utvrđivanje vladajućeg položaja i njegove zlouporabe;
- da je gospodarski subjekt Elektroprivreda BiH potrošač priključnih mjernih ormara, dok je Eldis-tehnika proizvođač i ne djeluju na istom mjerodavnom tržištu, te nemaju zajednički udjel na tržištu od 60%, što je pretpostavka za postojanje vladajućeg položaja, prema Odluci o definiranju kategorija vladajućeg položaja;
- da je gospodarski subjekt Elektroprivreda BiH osnovao gospodarski subjekt Eldis-tehniku radi proizvodnje priključnih mjernih ormara i druge opreme neophodne za obavljanje djelatnosti gospodarskog subjekta Elektroprivrede BiH, te bi bilo neutemeljeno i neopravdano nabavljati takvu robu van Koncerna od drugih dobavljača;
- da je Konkurencijsko vijeće Rješenjem broj: 01-06-26-024-5-II/09 od dana 30.9.2009. godine ocijenilo dopuštenom koncentraciju na tržištu uglja u Federaciji BiH, te na taj način prihvatilo formiranje Koncerna Elektroprivrede BiH i koji uključuje gospodarski subjekt Eldis-tehnika;
- da gospodarski subjekt Eldis-tehnika i gospodarski subjekt Elektroprivreda BiH protiv kojih je pokrenut postupak, u svom međusobnom odnosu uopće nisu na tržištu te da se radi isključivo o internom odnosu unutar Koncerna čije su članice;
- da se Zahtjev velikim dijelom odnosi na postupak i povrede Zakona o javnim nabavama BiH, a koje ne mogu biti predmetom odlučivanja pred Konkurencijskim vijećem;
- da je nesporno učešće Podnositelja zahtjeva i gospodarskog subjekta Eldis-tehnike na tenderu za nabavu mjernih ormara raspisanom dana 8.6.2009. godine od gospodarskog subjekta Elektroprivrede BiH;
- da nije nedvojbeno utvrđeno da je ekonomski najpovoljnija ponuda bila od strane Podnositelja zahtjeva, kako isti tvrdi, a da se iz Odluke o otkazivanju postupka javne nabave vidi da na kvalifikacionoj ocjeni ponuđača Podnositelj zahtjeva nije zadovoljio te je isti eliminiran iz postupka javne nabave, a sam postupak otkazan iz razloga nedostatka konkurencije;
- da je nesporno da je Odluka o otkazivanju postupka javne nabave iz proceduralnih razloga od strane Ureda za razmatranje žalbi BiH poništena, te da je naloženo da se postupak ponovno provede;
- nesporno je da je gospodarski subjekt Elektroprivreda BiH donio Odluku o izboru gospodarskog subjekta Eldis-tehnika, kao najpovoljnijeg ponuđača, a da je ista od Ureda za razmatranje žalbi BiH poništena zajedno sa Obavijesti o javnoj nabavi od dana 8.6.2009. godine;
- da je promjena statusa gospodarskog subjekta Eldis-tehnika otpočela i dobrim dijelom već bila provedena nekoliko mjeseci prije nego je Ured za žalbe donio odluku o poništenju tendera, tako da je potpuno apsurdna tvrdnja Podnositelja zahtjeva da su statusne promjene započele nakon poništenja tendera, kako bi se izbjegla primjena odredaba Zakona o javnim nabavama BiH;
- da su gospodarski subjekt Elektroprivreda BiH i gospodarski subjekt Eldis-tehnika u okviru Koncerna zaključili Ugovor o vođenju poslova na temelju kojeg se gospodarski

subjekt Elektroprivreda BiH obvezao da nabavlja proizvode iz proizvodnog asortimana Eldis-tehnike uključujući i priključne mjerne ormare;

- da je netočna tvrdnja Podnositelja zahtjeva da su sklapanjem Ugovora o vođenju poslova navedeni gospodarski subjekti stvorili vladajući položaj na tržištu te ga zlouporabljaju na način da su krajnji potrošači električne energije koju kupuju od gospodarskog subjekta Elektroprivrede BiH, na temelju Općih uvjeta za isporuku električne energije i Pravilnika o mjernom mjestu donesenih od gospodarskog subjekta Elektroprivrede BiH, prinuđeni kupovati priključne mjerne ormare od gospodarskog subjekta Elektroprivrede BiH, koji iste isključivo nabavlja od gospodarskog subjekta Eldis-tehnike, jer je Općim uvjetima za isporuku električne energije donesenim od strane Regulatorne komisije za električnu energiju FBiH (FERK) propisano da opremu i uređaje za priključak na elektrodistributivnu mrežu stavlja na raspolaganje distributer električne energije, dok je potrošaču električne energije ostavljena mogućnost da bira samo distributere električne energije;
- da je činjenica da potrošači električne energije nisu krajnji kupci priključnih mjernih ormara, već je to gospodarski subjekt Elektroprivreda BiH, koja je trajni vlasnik navedenih ormara kao svojih temeljnih sredstava;

Također, gospodarski subjekt Elektroprivreda BiH, dana 29.11.2010. godine pod brojem: 01-03-26-016-11-II/10, dostavlja odgovor na Zahtjev u kome, kao i gospodarski subjekt Eldis – tehnika, ističe da u cjelosti osporava utemeljenost istog te je između ostalog naveo:

- da se kompletan Zahtjev zasniva na eventualnim nepravilnostima provedenih postupaka javnih nabava od strane gospodarskog subjekta Elektroprivrede BiH, što spada u nadležnost Ureda za razmatranje žalbi BiH, a ne nadležnost Konkurencijskog vijeća;
- da je neutemeljeno dovođenje predmetnog Zahtjeva u vezu sa krajnjim kupcima (potrošačima električne energije) jer se ne radi o tržištu električne energije već o tržištu priključnih mjernih ormara;
- da su neutemeljeni navodi Podnositelja zahtjeva da se ovakvim ponašanjem gospodarskog subjekta Elektroprivrede BiH i gospodarskog subjekta Eldis-tehnika, ograničava proizvodnja, tržište i tehnički razvitak na način da se krajnjim potrošačima nanosi šteta jer isti nemaju mogućnost izbora između više proizvođača;
- da Opći uvjeti za isporuku električne energije FERK-a propisuju, između ostalog, da je distributer (gospodarski subjekt Elektroprivreda BiH) obvezan izgraditi priključak, opremiti mjerno mjesto krajnjeg kupca, održavati priključak o svom trošku, po potrebi zamijeniti mjerni uređaj i priključak o svom trošku, da je distributer investitor i vlasnik svih novih priključaka i priključaka koji su krajnji kupci prenijeli u vlasništvo gospodarskog subjekta Elektroprivrede BiH, te da s toga, krajnji kupac (potrošač električne energije) ne može biti vlasnik priključnih mjernih ormara;
- da je neutemeljena tvrdnja Podnositelja zahtjeva da je statusna promjena gospodarskog subjekta Eldis-tehnike izvršena u cilju izbjegavanja obveza po Zakonu o javnim nabavama BiH;
- da je gospodarski subjekt Eldis-tehnika u 100% vlasništvu gospodarskog subjekta Elektroprivrede BiH, utemeljen dana 10.5.2002. godine čime je gospodarski subjekt Elektroprivreda BiH organizaciono izdvojila svoju djelatnost - proizvodnja opreme za distribuciju i kontrolu električne opreme;

- da je gospodarski subjekt Elektroprivreda BiH dana 17.7.2008. godine usvojio Elaborat „Koncept buduće organizacije JP Elektroprivreda BiH d.d. Sarajevo“, kojim se transformira u Elektroprivreda BiH Grupu, gdje bi gospodarski subjekt Elektroprivreda BiH bila vladajuće društvo, a sve ostale djelatnosti bi se organizirale u ovisnim društvima u 100% vlasništvu gospodarskog subjekta Elektroprivrede BiH;
- da je Ugovor o vođenju poslova zaključen između strana protiv kojih je postupak pokrenut, i da ovim ugovorom vladajuće društvo vodi poslove zavisnog društva, koje gubi slobodu samostalnog nastupa na tržištu bez obzira što i dalje zadržava svoj pravni subjektivitet, i da je privredni subjekt Eldis-tehnika preuzeo obavezu prvenstvene isporuke proizvoda iz svog proizvodnog programa za potrebe vladajućeg društva i ostalih njegovih zavisnih društava (članica Koncerna);
- da je sudska praksa Evropskog suda pravde uspostavila striktna pravila koncepta internih ugovora gdje se primjenjuju dva kriterija: da „ugovorno tijelo“ vrši kontrolu nad datim zavisnim subjektom na sličan način kao i što kontroliše svoja odjeljenja i drugi - da kontroliše suštinski dio aktivnosti koji izvršava dati zavisni subjekt;
- da su od dana 28.12.2009. godine gospodarski subjekt Elektroprivreda BiH i gospodarski subjekt Eldis-tehnika jedinstven ekonomski subjekt što potvrđuje činjenica da se na nivou Koncerna donosi jedinstven plan poslovanja i sačinjava jedinstven izvještaj o poslovanju (sedma Direktiva Vijeća 83/349/EEZ);
- da prema mišljenju Agencije za javne nabave broj: 04-02-1-139/09 od dana 22.4.2009. godine, Zakon o javnim nabavama BiH ne regulira pitanje nabava u okviru istog povezanog društva (koncern, holding), te se ono treba posmatrati u kontekstu propisa Europske unije, direktiva i presuda Evropskog suda pravde;
- da je Europski sud pravde potvrdio kako se gospodarska društva koncerna smatraju jednim poduzetnikom, ukoliko čine ekonomsku jedinicu unutar koje zavisno društvo nema pravu slobodu odlučivanja o načinu postupanja na tržištu (slučaj broj: 15-74, presuda suda ECR 1974);
- da poslovanje unutar takvog jedinstvenog ekonomskog subjekta nije poslovanje u smislu pravila tržišnog natjecanja i samim time se ne ograničava konkurencija (slučaj T-102/92, presuda suda ECR 1995);
- da Direktiva 2004/17/EZ Evropskog Parlamenta i Vijeća od dana 31.3.2004. godine usklađuje postupke nabave subjekata koji sudjeluju u sektorima energetike, a tačkom 32. Preambule navedene direktive propisano je da je potrebno isključiti određene ugovore o uslugama, robama i radovima koji se dodjeljuju povezanom preduzeću čija je glavna djelatnost pružanje takvih usluga, isporuka takve robe ili pružanje takvih radova skupini u čijem je sastavu, a ne njihovo nuđenje na tržištu.

Budući da se radilo o predmetu sa stranama sa suprotnim interesima Konkurencijsko vijeće, je u skladu s članom 39. Zakona, zakazalo usmenu raspravu koja je održana dana 26.1.2011. godine u sjedištu Konkurencijskog vijeća i istoj su prisustvovali zakonski zastupnici i opunomoćenici stranaka u postupku. Tokom usmene rasprave stranke su se u suštini izjasnile da ostaju kod svojih dosadašnjih iskaza.

U daljnjem tijeku postupka, odgovorni član Konkurencijskog vijeća i službena osoba zadužena za vođenje postupka su izvršili neposredan uvid u sve poslovne prostorije gospodarskog subjekta Eldis-tehnika, kao i u finansijsku i drugu mjerodavnu dokumentaciju, o čemu je sastavljena službena zabilješka dana 10.2.2011. godine broj: 01-03-26-016-19-

II/10, te je izvršen uvid u proizvodni pogon ovog gospodarskog subjekta i utvrđeno da se obavlja proizvodnja i montaža predmetnih mjernih ormara.

5. Mjerodavno tržište

Sukladno članku 3. Zakona i čl. 4. i 5. Odluke o utvrđivanju mjerodavnog tržišta ("Službeni glasnik BiH", br. 18/06 i 30/10) mjerodavno tržište se određuje kao tržište određenih proizvoda koji su predmet obavljanja djelatnosti gospodarskih subjekata na određenom zemljopisnom području.

Mjerodavno tržište proizvoda obuhvata sve proizvode koje potrošači i/ili korisnici smatraju međusobno zamjenjivim, pod prihvatljivim uvjetima, imajući u vidu posebno njihove bitne značajke, kvalitetu, uobičajenu namjenu, način uporabe, uvjete prodaje i cijene.

Mjerodavno zemljopisno tržište obuhvata cjelokupan ili značajan dio teritorija Bosne i Hercegovine na kojem gospodarski subjekti djeluju u prodaji i/ili kupovini mjerodavnog proizvoda pod jednakim ili dovoljno ujednačenim uvjetima i koji to tržište bitno razlikuju od uvjeta konkurencije na susjednim zemljopisnim tržištima.

Konkurencijsko vijeće je utvrdilo da je mjerodavno tržište u ovom predmetu tržište proizvodnje i prodaje priključnih mjernih ormara na području Federacije Bosne i Hercegovine, jer najveći dio proizvodnje (iznad 99,5%) gospodarskog subjekta Eldis-tehnika kupuje gospodarski subjekt Elektroprivreda BiH, dok je preostali dio proizvodnje gospodarskog subjekta Eldis-tehnika (ispod 0,5%) isporučen drugim kupcima iz Federacije Bosne i Hercegovine.

6. Ocjena dokaza

Na temelju uvida u dokumentaciju iz spisa predmeta, javne rasprave i izvedenih dokaza, Konkurencijsko vijeće je utvrdilo slijedeće činjenice:

- Upravni odbor gospodarskog subjekta Elektroprivreda BiH, je donio, dana 10.5.2002. godine, Odluku o osnivanju društva sa ograničenom odgovornošću Eldis tehnika d.o.o. Sarajevo, i Rješenjem broj: UF/I-1200/02 od dana 6.7.2002. godine je upisan u sudski registar Županijskog suda u Sarajevu sa temeljnim djelatnostima, između ostalih projektovanje, proizvodnja i montaža mjernih ormara;
- gospodarski subjekt Elektroprivreda BiH je objavio, dana 8.6.2009. godine, Obavijest broj: 031-21-27/09 - LOT 24 o nabavi priključnih mjernih ormara putem otvorenog međunarodnog postupka – „Službenom glasniku BiH“ broj: 44/09;
- gospodarski subjekt Elektroprivreda BiH je donio, dana 5.8.2009. godine Odluku o otkazivanju postupka javne nabave broj: 05-3-18508.09., uz obrazloženje da ponuđač gospodarski subjekt Elektrokontakt nije zadovoljio na kvalifikacionoj ocjeni, te je isti eliminiran iz postupka javne nabave, a zbog nedostatka konkurencije predloženo je poništenje postupka nabave mjernih ormara;
- gospodarski subjekt Elektrokontakt je uložio, dana 9.8.2009. godine, Prigovor na navedenu Odluku o poništenju gospodarskom subjektu Elektroprivreda BiH, koju je odbio i donio Odluku o obustavi otvorenog međunarodnog postupka javne nabave po predmetnom tenderu;
- gospodarski subjekt Elektrokontakt je podnio, dana 19.8.2009. godine, Žalbu Uredu za razmatranje žalbi BiH, koji donosi Rješenje (broj:U-901/09 dana 9.9.2009. godine) o usvajanju žalbe te vraćanju predmeta na ponovni postupak;

- gospodarski subjekt Elektroprivreda BiH je rješavajući u ponovnom postupku ocjene ponuda po predmetnom tenderu donio Odluku (broj: 05-24160/09 dana 14.10.2009. godine) o izboru gospodarskog subjekta Eldis-tehnika, kao najpovoljnijeg ponuđača za nabavu mjernih ormara, a gospodarski subjekt Elektrokontakt je uložio, dana 20.10.2009. godine, Prigovor na navedenu Odluku, koji je odbijen od gospodarskog subjekta Elektroprivreda BiH;
- Skupština gospodarskog subjekta Elektroprivreda BiH je odobrila, dana 22.10.2009. godine, Statut zavisnih društava koja su u njegovom 100% vlasništvu, odnosno Statut društva pod nazivom „JP Elektroprivreda BiH d.d. Sarajevo Zavisno društvo „Eldis-tehnika“ d.o.o. Sarajevo“, koji je nakon toga pod tim imenom registriran na Općinskom sudu u Sarajevu dana 24.12.2009. godine;
- gospodarski subjekt Elektrokontakt je podnio, dana 1.11.2009. godine, Žalbu Uredu za razmatranje žalbi BiH, koja je usvojena dana 18.11.2009. godine;
- Općim uvjetima za isporuku električne energije FERK („Službene novine FBiH“, br. 35/08, 81/08, 32/10 i 37/10), je propisano, između ostalog, u čl. 47. i 95. da je nadležni distributer (gospodarski subjekt Elektroprivreda BiH) investitor i vlasnik svih novih priključaka na niskom naponu i priključaka koje su krajnji kupci prenijeli u vlasništvo gospodarskog subjekta Elektroprivreda BiH, koji je dužan izgraditi priključak potreban za priključenje krajnjeg kupca električne energije. Sastavni dio priključka, kako je i propisano Pravilnikom o mjernom mjestu, čini pored ostalih uređaja i obračunsko mjerno mjesto sa priključnim mjernim ormarom u kom su smješteni mjerni uređaji. Iz navedenog proizilazi da je krajnji kupac predmetnih mjernih ormara uglavnom gospodarski subjekt Elektroprivreda BiH;
- da je zaključen Ugovor o vođenju poslova između gospodarskog subjekta Elektroprivreda BiH i gospodarskog subjekta Eldis tehnika d.o.o. Sarajevo, dana 28.12.2009. godine, i da je člankom 4. Ugovora utvrđeno da zavisno društvo ima prvenstveno obvezu isporuke proizvoda iz svog proizvodnog programa, odnosno pružanje usluga / radova za potrebe vladajućeg društva gospodarskog subjekta Elektroprivreda BiH, što uključuje i projektovanje, proizvodnju i ugradnju mjernih ormara i priključenje na elektrodistributivnu mrežu;
- neposrednim uvidom u poslovne prostorije, financijsku i drugu dokumentaciju gospodarskog subjekta Eldis-tehnika, je utvrđeno da je isti izradio tehničku ideju projekta, osnovni izgled i dizajn predmetnih mjernih ormara, na čijim se vratima nalazi zaštitni znak logo gospodarskog subjekta Eldis-tehnika i gospodarskog subjekta Elektroprivreda BiH. Na osnovu knjiga izlaznih faktura zaključeno je da se u 2009. godini 99,93% ((..)**¹ KM) ukupne prodaje mjernih ormara odnosi na gospodarski subjekt Elektroprivreda BiH, a u 2010. godini 99,79% ((..)** KM), što je u skladu sa odredbama Statuta i Ugovora o vođenju poslova.

Imajući u vidu činjenicu da je Ugovor o vođenju poslova zaključen između povezanih gospodarskih subjekata (gospodarski subjekt Eldis-tehnika je zavisno društvo u 100% vlasništvu gospodarskog subjekta Elektroprivreda BiH), Konkurencijsko vijeće je ocijenilo da se radi o odnosima unutar jedne ekonomske jedinice i da gospodarski subjekt Eldis-tehnika nema stvarnu autonomiju i samostalnost upravljanja poslovanjem na tržištu i shodno tome ugovori između takvih gospodarskih subjekata ne spadaju u zabranjena konkurencijska djelovanja te samim tim ne zlouporabljaju vladajući položaj, u smislu članka 10. Zakona.

(..)**¹ podaci predstavljaju poslovnu tajnu

Navode Podnositelja zahtjeva vezane za postupak javnih nabava Konkurencijsko vijeće nije razmatralo jer nisu mjerodavni za ovaj predmet.

Presudom suda Bosne i Hercegovine broj: S1 3 U 005465 11 od 29.1.2014. godine, je poništeno Rješenje Konkurencijskog vijeća broj: 01-03-26-016-21-II/10, od 25.2.2011. godine, te predmet vraćen tuženom organu na ponovno rješavanje. Obzirom da je presuda Suda Bosne i Hercegovine obvezujuća za Konkurencijsko vijeće, isto je nastavilo sa postupkom.

7. Nastavak postupka u skladu sa pravnim shvatanjem i primjedbama iz Presude Suda Bosne i Hercegovine

Sukladno predmetnoj Presudi, a u cilju obrazloženja svih prigovora navedenih u žalbi, imajući u vidu ocjene i stavove Suda Bosne i Hercegovine navedene u Presudi, Konkurencijsko vijeće je Zahtjev za izjašnjenje i dostavu mjerodavnih dokaza po predmetnoj stvari, dostavilo dana 17.2.2014. godine gospodarskom subjektu Elektroprivreda BiH pod brojem: 01-03-26-016-32-II/10, i gospodarskom subjektu Eldis-tehnika pod brojem: 01-03-26-016-33-II/10.

Konkurencijsko vijeće je dana 19.3.2014. godine, gospodarskim subjektima: Elektroprivreda BiH, Eldis-tehnika i Elektrokontakt, uputilo Zahtjev za izjašnjenje o postojanju potrebe za održavanjem nove usmene rasprave (akti br: 01-03-26-016-36-II/10, 01-03-26-016-37-II/10 i 01-03-26-016-38-II/10), nakon čega su sve pozvane strane odgovorile da nemaju potrebu za novim održavanjem usmene rasprave (akti br: 01-03-26-016-39-II/10, 01-03-26-016-40-II/10 i 01-03-26-016-41-II/10 od 25.3.2014. godine).

Gospodarski subjekt Elektroprivreda BiH u izjašnjenju broj: 01-03-26-016-34-II/10 od 27.2.2014. godine, a na zahtjev Konkurencijskog vijeća, u bitnome navodi slijedeće:

- da ostaje kod svih navoda iznesenih u tijeku postupka pred Konkurencijskom vijećem, kao i u odgovoru na tužbu u upravnom sporu pred Sudom BiH;
- da Analitički pregled planiranog materijala dostavljen od strane gospodarskog subjekta Elektrokontakt, kao „dokaz“ (podnesak od 15.2.2011.godine) prvenstveno nije validan, obzirom da isti nije potpisan, nema pečat, broj ni datum, te se s toga ne može smatrati dokazom;
- da je Analitički pregled planiranog materijala interni dokument i isti se ne dostavlja kupcima, kako to navodi gospodarski subjekt Elektrokontakt, jer ovaj dokument predstavlja samo pregled materijala koji će se utrošiti na izgradnju priključka (vlasništvo Elektroprivrede BiH) za priključenje objekta krajnjeg kupca na distributivnu mrežu. Dostavljeni „dokaz“ ne sadrži iznos jednokratne naknade koju je krajnji kupac (..)**² trebao platiti na ime priključenja. U skladu s Pravilnikom o priključcima Elektroprivrede BiH, određen je način obračuna ove naknade, koji se sastoji od dijela izračunatog na temelju jedinične cijene i priključne snage, gdje se kupcima naplaćuju kW, i dijela koji predstavlja troškove rješavanja imovinsko-pravnih odnosa, isti je u elektroenergetskoj suglasnosti definiran kao potencijalna obveza, gdje kupac plaća 50% u slučaju da distributer ima troškove u ovom dijelu. U konkretnom slučaju kupca (..)**², elektroenergetska suglasnost broj: 215-1230/10 od 10.3.2010. godine i ugovor o priključenju na distributivnu mrežu broj: 215-1230/10, jednokratna naknada za priključenje objekta ovog kupca iznosila je (..)**² KM, što nije u skladu s „dokazom“ gospodarskog subjekta Elektrokontakt;

(..)**² podaci predstavljaju poslovnu tajnu

- da je prema čl. 5. i 47. Općih uvjeta za isporuku električne energije, distributer obavezan izgraditi priključak, održavati ga o svom trošku, po potrebi zamijeniti o svom trošku, te je distributer investitor i vlasnik svih novih priključaka, stoga krajnji kupac ne može doći u poziciju da kupuje dijelove neophodne za izgradnju priključka, nije vlasnik niti priključka niti mjernog ormara, te je stoga neutemeljena tvrdnja gospodarskog subjekta Elektrokontakt, da se potrošačima onemogućava izbor proizvođača mjernih ormara, a što je samo po sebi irelevantno za utvrđivanje vladajućeg položaja u skladu s podnesenim zahtjevom gospodarskog subjekta Elektrokontakt.
- da je u obrazloženju Presude pogrešno naveden datum 18.12.2009. godine, kao dan zaključenja Ugovora o vođenju poslova između Elektroprivrede i Eldis-tehnike (daljnje u tekstu: Ugovor), jer je isti zaključen dana 28.12.2009. godine, dok je upis u sudski registar promjene naziva društva gospodarskog subjekta Eldis-tehnika, izvršen dana 24.12.2009. godine, gdje je isti dostavljen dana 26.11.2010. godine, Konkurencijskom vijeću kao prilog uz podnesak broj: 01-03-26-016-10-II/10, te je sastavni dio spisa, kao i predmetni Ugovor dostavljen kao prilog uz podnesak broj: 01-03-26-016-11-II/10 dana 29.11.2010. godine. Upisana promjena podataka u registar pravnih osoba, nije od značaja za uspostavljanje odnosa vladajućeg i zavisnog društva sukladno Zakonu o izmjenama i dopunama Zakona o gospodarskim društvima („Sl. novine Federacije BiH“, broj: 84/08), koji je predvidio oblike povezivanja pravnih osoba, te se u skladu s tim i Elektroprivreda transformirala u EP BiH Grupu kao složeni oblik organizovanja, gdje je ona vladajuće društvo, a sve ostale djelatnosti u funkciji Elektroprivrede, organizuje kao zavisna društva. Na temelju toga Elektroprivreda BiH je dana 12.5.2009. godine, donijela Statut o izmjenama i dopunama Statuta Elektroprivrede BiH, kojim je predviđeno da sva zavisna društva u 100% vlasništvu u svom nazivu nose i naziv JP Elektroprivreda BiH d.d. Sarajevo, te da će s istim zaključiti Ugovore o vođenju poslova (članak 102. Statuta), u skladu s čim je zaključen i predmetni Ugovor dana 28.12.2009. godine, čime Eldis-tehnika postaje članica Koncerna EP BiH. Dakle, izmjena podataka gospodarskog subjekta Eldis-tehnika u sudskom registru od 24.12.2009. godine, izvršena je u smislu promjene naziva društva, povećanja temeljnog kapitala i dopune usklađivanja djelatnosti društva, što ne predstavlja statusnu promjenu sukladno Zakonu o gospodarskim društvima, te navodi gospodarskog subjekta Elektrokontakt da u vrijeme zaključenja predmetnog Ugovora nije postojala pravna sveza u vidu koncerna, nemaju nikakvog smisla, tj. neutemeljenost ovih navoda ogleda se u činjenici da se koncern, u smislu Zakona o gospodarskim društvima FBiH i Zakona o registraciji poslovnih subjekata u FBiH, ne upisuje u sudski registar iz razloga što isti nema svojstvo pravne osobe, a kako se ne radi o statusnoj promjeni, ista ne proizvodi pravne posljedice prema trećim osobama.

Gospodarski subjekt Eldis-tehnika u svom izjašnjenju broj: 01-03-26-016-34-II/10 od 27.2.2014. godine, u bitnome navodi slijedeće:

- da ostaje u cjelosti kod svih navoda danih u tijeku prethodnog postupka pred Konkurencijskim vijećem;
- da se potpisivanjem predmetnog Ugovora ne krše odredbe članka 10. stavak (2) Zakona, što potvrđuje činjenica da potrošači električne energije nisu krajnji potrošači odnosno kupci mjernih ormara;
- da su mjerni ormari temeljna sredstva gospodarskog subjekta Elektroprivreda BiH, što je jasno definirano ugovorima o priključenju zaključenim s krajnjim kupcima, te je u tom kontekstu krajnjim potrošačima potpuno nebitno od koga gospodarski subjekt Elektroprivreda BiH iste nabavlja;

- da je Regulatorna komisija za električnu energiju Federacije BiH donijela Opće uvjete za isporuku električne energije u kojima je propisana procedura izdavanja elektroenergetske saglasnosti u okviru koje je predviđena obveza krajnjeg potrošača da uplati jednokratnu naknadu za priključak na elektrodistributivnu mrežu;
- da je gospodarski subjekt Eldis-tehnika proizvođač mjernih ormara, o čemu prilaže Certifikat broj LVD 30100009, prilog Certifikatu LVD 30100009 i Izvješće o ispitivanju broj: 31/2145, izdani od strane Končar Institut za elektrotehniku d.d. Zagreb, Republika Hrvatska, gdje je u svakom od dokumenata gospodarski subjekt Eldis-tehnika, imenovan kao proizvođač mjernih ormara.

Na temelju gore navedenih izjašnjenja i analize dokumentacije dostavljene od strane gospodarskih subjekata Elektroprivreda BiH i Eldis-tehnika, Konkurencijsko vijeće je utvrdilo slijedeće činjenice koje ukazuju na pravilno i u potpunosti utvrđeno činjenično stanje u predmetnom postupku:

- Upravni odbor gospodarskog subjekta Elektroprivreda BiH, je dana 10.5.2002. godine, donio Odluku o utemeljenju društva sa ograničenom odgovornošću Eldis tehnika d.o.o. Sarajevo, koje je Rješenjem broj: UF/I-1200/02 dana 6.7.2002. godine upisano u sudski registar Županijskog suda u Sarajevu, u kom su kao temeljne djelatnosti, između ostalih, navedeni projektovanje, proizvodnja i montaža mjernih ormara (navedeno Rješenje o upisu u sudski registar nalazi se u spisu kao prilog podnesku broj: 01-03-26-016-13-II/10 od 21.12.2010. godine);
- Skupština gospodarskog subjekta Elektroprivreda BiH je dana 22.10.2009. godine, odobrila Statut zavisnih društava, koja su u njegovom 100% vlasništvu, odnosno Statut društva pod nazivom „JP Elektroprivreda BiH d.d. Sarajevo Zavisno društvo „Eldis-tehnika“ d.o.o. Sarajevo“, gdje je nakon toga registrirana promjena naziva društva na Općinskom sudu u Sarajevu dana 24.12.2009. godine, pod brojem: 065-0-Reg-09-003497 (rješenje o registraciji nalazi se u spisu kao prilog podnesku broj: 01-03-26-016-10-II/10 od 26.11.2010. godine);
- Ugovor o vođenju poslova između gospodarskog subjekta Elektroprivreda BiH i gospodarskog subjekta Eldis tehnika d.o.o. Sarajevo, zaključen je dana 28.12.2009. godine, te da je člankom 4. predmetnog Ugovora utvrđeno da zavisno društvo ima prvenstveno obvezu isporuke proizvoda iz svog proizvodnog programa, odnosno pružanje usluga/radova za potrebe vladajućeg društva tj. Elektroprivrede BiH (predmetni Ugovor nalazi se u spisu kao prilog podnesku broj: 01-03-26-016-11-II/10 od 29.11.2010. godine);

Na temelju izloženog, Konkurencijsko vijeće je utvrdilo u pobijanom Rješenju da predmetni Ugovor o vođenju poslova zaključen dana 28.12.2009. godine, između gospodarskih subjekata Eldis-tehnika i Elektroprivreda BiH, predstavlja ugovor između vladajućeg i zavisnog društva, gdje je međusobna pravna sveza uspostavljena prije potpisivanja predmetnog Ugovora, točnije 6.7.2002. godine, kada je „Eldis-tehnika“ d.o.o. Sarajevo“, (društvo u 100% vlasništvu Elektroprivrede BiH), upisano u sudski registar Županijskog suda u Sarajevu Rješenjem broj UF/I-1200/02. To znači da se radi o odnosima unutar jedne ekonomske jedinice, obzirom da gospodarski subjekt Eldis-tehnika nema stvarnu autonomiju i samostalnost upravljanja poslovanjem na tržištu, te takvi ugovori ne spadaju u zabranjena konkurencijska djelovanja niti se radi o zlouporabi vladajućeg položaja, u smislu članka 10. Zakona.

- Uvidom u podnesak gospodarskog subjekta Elektrokontakt, zaprimljen u Konkurencijskom vijeću pod brojem: 01-03-26-016-20-II/10, dana 16.2.2011. godine (Analitički prijedlog planiranog materijala od 26.1.2011. godine, izdat od strane

gospodarskog subjekta Elektroprivreda BiH, za kupca (..)**³, Konkurencijsko vijeće je utvrdilo da isti predstavlja samo interni dokument gospodarskog subjekta Elektroprivreda BiH, odnosno pregled materijala koji će se utrošiti na izgradnju priključka (vlasništvo Elektroprivrede BiH) za priključenje objekta krajnjeg kupca na distributivnu mrežu, i ne dostavlja se krajnjem kupcu i ne sadrži iznos jednokratne naknade koju je krajnji kupac (..)** trebao platiti na ime priključenja na distributivnu mrežu obračunat u skladu s Pravilnikom o priključcima Elektroprivrede BiH.

Na temelju izloženog Konkurencijsko vijeće je navedeni podnesak ocijenilo kao nebitnu činjenicu za odlučivanje spora.

- Gospodarski subjekt Eldis-tehnika dostavljenom dokumentacijom u tijeku postupka i dostavljenom dokumentacijom na Zahtjev Konkurencijskog vijeća od 17.2.2014. godine, dokazao je činjenicu da jeste proizvođač mjernih ormara;

Konkurencijsko vijeće je sukladno članku 35. stavak (1) Zakona, u tijeku provođenja predmetnog postupka, neposrednim uvidom u proizvodni pogon gospodarskog subjekta Eldis-tehnika, sve poslovne prostorije, financijsku i drugu dokumentaciju, utvrdilo i dokumentiralo da je isti izradio tehničku ideju projekta mjernih ormara, osnovni izgled i dizajn, da se u proizvodnom pogonu obavlja proizvodnja i montaža mjernih ormara, da se na vratima ormara nalazi zaštitni znak logo gospodarskog subjekta Eldis-tehnike i gospodarskog subjekta Elektroprivreda BiH, o čemu je sastavljena službena zabilješka dana 10.2.2011. godine broj: 01-03-26-016-19-II/10, kao sastavni dio spisa. Gospodarski subjekt Eldis-tehnika je na traženje Konkurencijskog vijeća uz podnesak broj: 01-03-26-016-34-II/10 od 27.2.2014. godine, kao dodatni dokaz, dostavio Certifikat broj LVD 30100009 od 2.3.2010. godine, prilog Certifikatu LVD 30100009 od 2.3.2010. godine, te Izvješće o ispitivanju broj: 31/2145 od 26.2.2010. godine, svi izdani od strane Končar Instituta za elektrotehniku d.d. Zagreb, Republika Hrvatska, gdje je u svakom od dokumenata gospodarski subjekt Eldis-tehnika, imenovan kao proizvođač mjernih ormara.

Nakon sagledavanja svih mjerodavnih činjenica i dokaza stranaka u postupku te ponovljenom postupku sukladno Presudi Suda Bosne i Hercegovine, Konkurencijsko vijeće je utvrdilo da gospodarski subjekt Elektroprivreda BiH i gospodarski subjekt Eldis-tehnika Ugovorom o vođenju poslova nisu prekršili članak 10. stavak (2) Zakona, u smislu da:

- a) izravno ili neizravno nameću nelojalne kupovne i prodajne cijene ili druge trgovinske uvjete kojima se ograničava konkurencija;
- b) ograničavaju proizvodnju, tržište ili tehnički razvitak na štetu potrošača.

Slijedom navedenog, Konkurencijsko vijeće je odlučilo kao u izreci ovoga Rješenja.

6. Pouka o pravnom lijeku

Ovo Rješenje je konačno i protiv istoga nije dozvoljen priziv.

Nezadovoljna strana može pokrenuti upravni spor pred Sudom Bosne i Hercegovine u roku od 30 dana od dana primitka, odnosno objave ovog Rješenja.

Predsjednik

Gordan Raspudić

(..)**³ podaci predstavljaju poslovnu tajnu